

KADIKATE OKO Yohanes Kadikate Oko

¹ Oko gogbe nde ara wa i Yaa odji ote ñ maɗabo iki i Yesu Kristo iso so aaba i owi kurukutua ame ne. Kristo ode loɗi wā kayi ote ñ odabo Yohanes iki i Yaa kpabo go opia iso.

² Mme Yohanes lotsere ara wa lonya fie loto loɗe aɗansie i Yaa itōme ne odji ote iki i Yesu Kristo iso.

³ So aaxo ngo nse oka oko gogbe ame atōme gu mma nse makā ara wa maye mase ngbe atsue fie mase mabara i wā iso alaso owi go ame aaba oɗereɗere.

Yohanes Oya Mafodɗe Akuri Akodze Wa Mpia I Asia Karō Iso.

⁴ Mme Yohanes lotsere oko gogbe nto lotā mi mafodɗe akuri akodze wa mpia i Asia karō iso.

Abualera gu isobue ne lobore i Yaa go mpia kinio fie ñowe onya, fie oto ñaledza iba gu ñ Siwarā aka akodze wa mpia i ñ sigaraiyara katō,

⁵ gu ñ obi Yesu Kristo go nse obara ara i ori iso si awegu mi. O nde odeakatō go lota obore i makpise ame fie oto ode kayiiso magara iso. Ose odɗe bo fie iki i kumego osu so osore i bo iti ne, ñodji bo oboregu i bo akpi ame.

⁶ Obara bo masoredze kaɗe so boasore Yaa gu ñ Ose. Yesu Kristo okpe nde ifie gu ole ita i kinio ikpa owi daaro! Si iba ngbo.

⁷ Minyo! Oto oba i adodo iso!

Ɔturi biara to ãanya wũ
gu mma ɔɖuɖu lobara wũ kako.

Kayiiso maturi ɔɖuɖu to maabiε nnɔmε i ã iti.
Si iba ngbo.

⁸ Ƴaa gɔ nde Ɔle ɔɖuɖu Sate nto ɔɣε sɔ, “Mme nde Karɔkasεkɔ gu Kawirikɔ. Mme mpia kinio fie loowe lonya fie loto loaledza iba.”

Kristo Ɔɖi So Ɔte.

⁹ Mme, mi ɔnyii Yohanes gɔ mi gu wũ losiai Yesu fie bose boɣara so i inyewe ame ala ã sigarakadekɔ ɔso, mme nto loɣε itɔme nεgbe. Mamɔε me mase maase i karɔ ga i ndu ɔki milo fie marɔ kã sɔ Patmos iso alaso loto loɣε Ƴaa Itɔme gu ɔnukuare gɔ i Yesu ɔɖi ɔte iso.

¹⁰ I iyi nε i bo mafɔɖɔɖe se bosare bole Bosate iso ne, Siwarã Bielea ɔbo i wũ ame fie lonɔ silo siwε dze nto sire teteree le kadadã i wũ kama.

¹¹ Siɣere me sɔ, “Tserε ara wa anya se si asu oko asese mafɔɖɔɖe akuri akɔɖe wa mpia i Efeso, Smirna, Pergamo, Tiatira, Sardis, Filadelfia gu Laodikea.”

¹² Gɔ lofiniki sɔ si lonyɔ ngo nto ɔɖegu me ika ne, lonya sikãretea sikaniedziri ikɔɖe.

¹³ I sikaniedziri ikɔɖe dzεmɔ ndε ne, lonya ɔturi le ɔturi awune ɔbi gɔ ɔɣε. Ɔpia awu tagbaraa wa lobo wũ ta ngbatɔ fie ɔsu sikãretea kafiami ɔto so i igbegbe.

¹⁴ Ɔ iti gu siwerε ɔɖuɖu ɔfudza futututu le serererɔ siwerε, ɣee le sno fie ã anɔmi se le ɔto gɔ nto ɔtsue awe.

¹⁵ Ɔ ngba to mifiε le ibora rεtea mapia i ɔto ame fiε ɔ silo ana se le ndu me nto mikpase i ata iso teteree.

¹⁶ Ɔto awami akɔdze i kuɔdearɔ ame, ibe inyɔ ipemi ne mba ɔbe ɔbɔre wũ i kanya ame fiε ɔ katɔ to kafie le kuɔẽ ku kakome.

¹⁷ Gɔ lonya wũ ne, lobɔre lofere i ɔ ngbatɔ le kpise, ɔεε ɔsu ɔ kuɔdearɔ ɔsia me iso ɔɔere me sɔ, “Daanigã! Mme nde Ɔdeakatɔ gu Ɔtsɔra.

¹⁸ Mme nsi ngbã! Lookpi lonya, ɔεε ne, ka losi ngbã me nna katui. Kukpi gu ikpibiɔ siboɔ pia me i nrɔɔ ame.

¹⁹ Kiniɔ ne, tserε ara wa anya, nwa mpia kinio gu nwa nto aaba i ɔwi kama ε.

²⁰ Iwerεra ne i awami akɔdze gu sikaniedziri ikɔdze dzεmɔ to ite nde sɔ awami akɔdze nde Ƴaa makpabo ma nto manyɔ mafɔdɔdze akuri akɔdze iso fiε sikaniedziri ikɔdze dzεmɔ nde mafɔdɔdze akuri akɔdze.”

2

Itɔme Ne Ɔtsere Ɔtã Efeso Mafɔdɔdze Ikuri.

¹ “Tserε itɔme neɔbe tã Efeso mafɔdɔdze ikuri kpabo sɔ,

Mme Yesu gɔ lomɔẽ awami akɔdze ɔto i kuɔdearɔ, fiε ɔεε i sikãretea sikaniedziri ikɔdze ndẽ itɔme i ngbe ne.

² Loɔe fɔ kurabarara. Loɔe fɔ kube gu kumεgɔ ase ana ɔtu i inyewe ame. Loɔe sɔ aise anagu ara lalaa mabaradze isoyɔ. Mma nse makpere sɔ sɔ katɔmemasɔdze maɔe, ɔεε maɔe ne, ɔokere ma anyɔ fiε atsue sɔ maladze maɔe.

³ Loḡe kumegɔ aḡara so ana ɔtu i inyewe ame ala wũ iyere ɔso fie iida-ɔ.

⁴ Ƴee iyere ne lonya i fo iso nde so, aisito aɔɔe me le ɔwi gɔ lofe ame.

⁵ Ne ɔso nyɔ fo kayakɔ ngbego akpase abɔre si afiniki abara ara wa ala ɔɔbara ku ɔkre ɔeakatɔ. Si iide ngbɔ ne, loto loaba loamɔɛ fo ɔkaniedziri loɔi i ɔ kayakɔ.

⁶ Ƴee ira ka iwɛ ne mba me ɔmerɛ i fo iso nde so, aise aɔɔe ma Nikolaise kurabarara le kumegɔ mme wũ loise loɔɔe kɔ.

⁷ Ngo mba atsue si ɔno nne i Ƴaa Siwarã to siḡere mafɔɔɔɔɔe akuri. Ngo loɔe iso ne, loatã wũ ɔri so ɔaɔe idziribi ne nse itã ngbã fie ipia i Ƴaa Paradiso ame.”

Itɔme Ne Ɔtsere Ɔtã Smirna Mafɔɔɔɔɔe Ikuri.

⁸ Ne ɔḡere me so, “Tsere sese kpabo gɔ nto ɔnyɔ Smirna mafɔɔɔɔɔe ikuri iso so,

Mme Yesu gɔ nde Ɔeakatɔ gu Ɔtsɔra, ngo lookpi ɔnya fie ɔta ne, mme nto loḡe itɔme negbe ne.

⁹ Loḡe fo inyewe gu fo siwɛreba, Ƴee ranase aɔe fie. Loḡe kumegɔ i mma nse makpere so so ma Yudase maɔe, Ƴee maide to manina-ɔ iyere. Ɔbosam masiaidze maɔe ne iide Ƴaa masiai.

¹⁰ Midaanigã inyewe kuiwɛ ne loaba mi iso. Minyɔ! Ɔbosam to ɔala mi mawɛ ɔnyɔ ɔtã mamɔɛ mi mapia i iyo fie maabara mi ɔtile ayi aweo. Miya teteree i wũ iyere ame si inya kɔra so miakpi fie loatã mi ngbã me nna katui le mi kuso.

11 Ngo mba atsue si onon nne i Yaa Siwarã to sigere mafoddedze akuri. Ngo lođe iso ne, kukpi nyɔare iibana ɔle i ɔ̃ iso.”

Itõme Ne Ɔtsere Ɔtã Pergamo Mafoddedze Ikuri.

12 Ne ɔɣere me so, “Tsere sese kpabo go nto onyo Pergamo mafoddedze ikuri iso so,

Mme Yesu go mba ibe inyo ipemi ne mba obe itõme ne loɣe i ngbe ne.

13 Loɣe so ngbego misi nde Ɔbosam sigarakaɖekɔ̃, ɣee mimɔ̃ wũ iyere mito teteree. Mi kafɔkaɖe i wũ ame ana iiti nane ɔwi go ame maɖoe wũ ɔɖabo bielea Antipa go nse ɔɣe wũ itõme i ngbego i Ɔbosam si i mmɔ.

14 Ƴee aɣere awẽ wa lonya i mi iso nde so, mawẽ ma nse masiai Balam ara ite pia i mi ndẽ. Balam goɖbe ɔɖe lote Balak kumego ɔ̃abara fie Israel mabi aɣere fie maɖe ara wa masu masore aɣo makuti maɖe asõ ne.

15 Ngbo ame i maturi pia i mi ndẽ go masiai ma Nikolaise ara ite ne.

16 Mifiniki mibɔre i mi ikpi ame, si iide ngbo ne, loto loaba mi kɔre mala loba loakpẽgu mmamɔ ala wũ kanya ame itõme ne nse le ipemi awe.

17 Ngo mba atsue si onon nne i Yaa Siwarã to sigere mafoddedze akuri. Ngo lođe ikpi iso ne, loatã wũ mana go i Yaa ɔkola ɔɖe fie loatã wũ ita fudza ne iso matsere iyere ɣete ne i kuwẽ iixe ido ngo matã onowẽ loatsue ne.”

Itõme Ne Ɔtsere Ɔsese Tiatira Mafoddedze Ikuri.

18 “Tsere tā kpabo go nto onyo Tiatira mafoddedze ikuri iso so,

Okoko gogbe obore i Yaa Obi go anomi nse le itokpe fie ò ngba to mifie le ibora retsa kore.

19 Loxe fo kurabarara. Loxe fo kudoe gu kumego ase abara ara i ori iso gu fo karabara gu fo iyaraso. Loxe so ato apia kube kinio ado owio.

20 Yee igere ne lonya i fo iso nde so, ata orogo Isabel go nse okpere so so Yaa kpabo ori. Iki i ò ara ite ame ne, ota so wu madabo to made asoro fie mato made adera wa masu masore ala axo.

21 Lotā wu owi so ofiniki, xee ose so òibanyua asoro ide.

22 Ne oso loto loape wu lorara i onyekala iso fie ma gu mma loqe asoro aawe inye teteree. Loto loabara ma ngbo si maifiniki mabore i otile ara wa mato mabaragu wu ame.

23 Loto loadoe ò masiade ana si mafoddedze akuri odudu aatsue so, mme nse lonyonyo oturi biara iti gu otu ame pelepele fie loata obiara kuso i nne obara kanya.

24 Yee mi matsora i Tiatira ma loifo Isabel ara ite wa mato maro so Obosam ara ite ne lobua iwodoro ne, lobie so mitsue so loisibasia mi ato mama iso.

25 Yee gbogbogbo loaba ne, moe nne aba la teteree.

26 Ngo lomoe wu karabara ola ose oabo kawirikò fie ode iso ne, loata wu ole i kayiiso ndebi iso.

27 ‘Oade ma iso ala iboradziri

fiε ðabiεbie ma wɔsɔwɔsɔ
 lε kumεgɔ mase mabiε ibui.'

Loto loatã wũ ole lε kumεgɔ i wũ Ɖse ɔtã me.

²⁸ Loatã mafie lε kaya iwãmi.

²⁹ Ngɔ mba atsue si ɔnɔ nne i Ƴaa Siwarã to siyere mafɔdɛdze akuri."

3

Oko Gɔ Ɖtsere Ɖsese Sardis Mafɔdɛdze Ikuri.

¹ "Tsere sese mafɔdɛdze ikuri ne i Sardis kpabo sɔ,

Ngɔ mba Ƴaa Siwarã aka akɔdze gu awami akɔdze sɔ,

Loye fɔ karabara ga abara. Loye sɔ afɔ iyere sɔ apia ngbã, Ƴεε ne, ɔɔkpi.

² Regẽ si apia nne lokuti fiε iakpi ole. Alaso lonya sɔ fɔ karabara iikote i wũ Ƴaa katɔ.

³ Ne ɔso nyigi ara wa mate-ɔ gu nwa anɔ. Mɔẽ wã la si afiniki. Nyɔ tuee, alaso aibatsue ɔwi gɔ loaba lobɔre-ɔ iso lε yukukpe awe

⁴ Ƴεε maturi irẽsaã ɔkuti mapia i Sardis gɔ maiyera ma awu. Mato maapia ma awu fudza masiai me alaso ma lokote ne.

⁵ Ngɔ lodε iso ne, Ƴaa to ðapia wũ awu fudza ngbɔ fiε loibanukutu ð iyere lodj i magbanadze ɔko ame. Loadj wũ kanya i wũ Ɖse gu ð makpabo katɔ sɔ wũ ɔlaa ɔde.

⁶ Ngɔ mba atsue si ɔnɔ nne i Ƴaa Siwarã to siyere mafɔdɛdze akuri."

Oko Gɔ Ɖtsere Ɖsese Filadelfia Mafɔdɛdze Ikuri.

7 “Tsere sese Filadelfia kpabo go nto onyo mafoddedze ikuri iso so,

Ngɔ nde ɔturi Sekelea gu Onukuarese fie David ɔboi pia wũ i nroɔ ame, ngo si osese kukui ne, kuwẽ iibawo osẽ, fie si osẽ ana ne, kuwẽ iibawo osese ne, ɔ nto ɔɣe so,

8 Loɣe fo karabara ga abara. Nyɔ! Lose-ɔ kayogodɔ ga losese kase i fo katɔ ga i kuwẽ iibawo osẽ. Alaso atoa so ɔle kekei kere aba ne, amɔẽ wũ itɔme ato fie aisẽ me ana.

9 Minyo, mawẽ pia go made ɔbosam ikuri ame maturi. Mmagbe se maɣe so ma Yudase made, ɣee maide ma Yudase, maladze made. Nyɔ, mato maaba maape agegẽ i fo ngbatɔ fie ma ɔduɔdu aatsue so loto loɔɔe-ɔ.

10 Go amɔẽ wũ itɔme ala fie ana ɔtu i fo inyewe ɔduɔdu ame oso ne, mme wũ loadj-ɔ i kalakanyo ga mba ɔle fie kaaba i kayiiso maturi ɔduɔdu iso ame.

11 Loto loba i ɔwi kurukutu ame. Ne oso mɔẽ nne aba la teteree so kuwẽ iibafɔ-ɔ fo sigaraikoto iso.

12 Ngɔ loɔe iso ne, loasu wũ lobara ikpa i wũ ɣaa kasɔrekɔ fie ɔisibabɔre i mmɔ onya. Loatsere wũ ɣaa iyere gu wũ ɣaa ɔmagẽ go nde Yerusalem ɣete go loso ɔbɔre ɔ kɔre i kato iyere losia wũ iso, fie loatsere mme mɔmɔ iyere ɣete ana losia wũ iso.

13 Ngɔ mba atsue si onɔ nne i ɣaa Siwarã to sigere mafoddedze akuri.”

Okɔ Gɔ ɔtsere ɔsese Laodikea Mafoddedze Ikuri.

14 “Tsere oko tā Laodikea mafoddedze ikuri kpabo so,

Ngɔ nse otā ira biara oba i ne ame fie ose obara ara i ori iso gu adansie nukuarese, ngɔ iso i Yaa oki obara ō kurabarara oduɔdu itōme i ngbe ne.

15 Loɣe fo kurabarara. Ana oto, fie aiɣo ana. Obie lobie so aawe oto yee aaxo.

16 Yee go ase kpiekpie fie ana oto, aiɣo ana oso ne, loatua-o loɔi i wũ kanya ame!

17 Ase axe so ranase aɔe, aba ara fie kuiraiinya-o. Yee aiɣe so werɛba gu ngɔ ara mba nnya gu ngɔ mpia i kusa ame gu nobiedze gu ngɔ nse isō aɔe.

18 Ne oso loto loka-o so ba xa sikāretɛa sɛɛ dze mawenɛkēra i oto ame i wũ kore si aakpese ranase. Ya okati fudza nyome si aibase isō kunuare okpē-o. Si axa anomi kua ana pia fo anomi si aanya ara.

19 Mma loto loɔe ne, ma lose lonyagalagu fie ma lose lokpadzē kutsue ne. Ne oso pia kube si afiniki.

20 Nyɔ! Loɣe i kayogodō loto lokpukpura kukui korō. Si orere onɔ me silo fie osese me ne, loabo i ō kore. Loadegu wũ adera, ō wũ odeggu me adera.

21 Ngɔ loɔe iso ne, loatā osegu me i wũ sigaraiyara iso le kumego mme wũ loɔe iso fie losi i wũ Ose kore i ō sigaraiyara iso.

22 Ngɔ mba atsue si onɔ nne i Yaa Siwarā to sigere mafoddedze akuri.”

4

Kumegɔ Mato Masɔre ʎaa I ʝ Sigarakadekɔ.

¹ Nwagbe kama ne, lonya kayogodɔ ga losese kase i kato.

Ne silo dze loɖe katɔ siɖegu me ika fie sire le kadadã okpere me siyere sɔ, “Ya ba i kato ngbe si loɖi ara wa loaba i nwagbe kama lote-ɔ.”

² Oluwẽ ne, ʎaa Siwarã obo i wũ ame lonya sigaraiyara i kato ne iso i owẽ si.

³ Ngɔ nsi i sigaraiyara iso to ofie le yaspa gu sardis ata wa lofo kuɣa fie obebeyi gɔ nto ofie teteree le emerald ita oki ilo sigaraiyara.

⁴ Sigaraayara sinyo-ana mama ana oki alo sigaraiyara negbe fie makpakpa sinyo-ina ma mpia awu fudza fie matɔme sikãretɛa sigaraikoto si i sigaraiyara wagbe iso.

⁵ Kado imama gu kado idu gu silo agbãagbã to abɔre i sigaraiyara ame. Sikanie aka akodze omɔẽ sito i sigaraiyara katɔ. Nwagbe nde ʎaa Siwarã aka akodze ne.

⁶ I sigaraiyara katɔ ne, ira iwẽ ne nse le obo ne masu ayɔɔɔe wa ame lobua akpa mabara ala se, fie ne ame okpa waĩ.

Ara ana awẽ wa mba ngbã fie anɔmi oyi wã iso katɔ gu kama oki alo sigaraiyara kakoi biara.

⁷ Ara wa mba ngbã ngbe ideakatɔ se le dzata, inyɔare se le nantsuĩrerẽ, iteare katɔ se le oturi kare fie inaare se le finikpo gɔ nto oferere awe.

⁸ Ara ana wa mba ngbã ngbe oduɖu ba abue akuɔ akuɔ, fie wã iso kakoi biara oyi ku anɔmi. Kasẽ i kakome ne, ato kuka gɔ aise alo sɔ, “Isekele, isekele, isekele

ndε Bosate Yaa gɔ ndε ɔle ɔɖuɖu Sate
ngɔ loɔsε ngbã ɔnya, fiε ɔsi ngbã, fiε ɔto ɔaledza
iba.”

⁹ ɔwi biara ne, ara wa mba ngbã ngbe to asu ile
gu kato ikɔle gu siba ipe atã ngɔ nsi i sigaraiyara
iso fiε ɔibakpi ɔnya.

¹⁰ Si ato abara ngbɔ ne, makpakpa sinyɔ-ina
mamɔ sε makɔle mafu i ɔ̃ katɔ masɔre ɔ̃ gɔ nsi
ngbã ɔwi biara. Mase maɖi ma sigaraikoto mase
i sigaraiyara katɔ maka kuka male wũ maɣe sɔ,

¹¹ “Bosate gu Yaa!

Isekele, kuware gu ɔle ɔkotegu-ɔ.

Alasɔ fɔ lobara ara ɔɖuɖu,

abara wã fiε atã apia ngbã

i fɔ kuɖɔε kanya.”

5

Serererɔ Ibi ɔfo Oko Gɔ Makarĩ.

¹ Nwagbe kama ne, lonya ɔko ɔwẽ gɔ i ngɔ nsi i
sigaraiyara iso ɔmɔẽ ɔto i kuɖearɔ̃. Matsere ara
masia i katɔ gu kama ɔɖuɖu, ɣεε masẽ wũ ala
atsuebi akɔdze sɔ kuwẽ iibawo ɔbusi.

² Lonya Yaa kpabo ɔwẽ gɔ mba ɔle to ɔya isã
teteree sɔ, “Nna lokate sɔ ɔaɖi atsuebi fiε ɔabusi
ɔko gɔgbe?”

³ ɣεε mainya kuwẽ i kato, ɣee karɔ̃ iso, ɣee
karɔ̃ ame gɔ loawo ɔko ɔbusi ɣee ɔnyɔ ɔ̃ ame.

⁴ Lobie kaku gbaã alasɔ kuwẽ iikate sɔ ɔabusi
ɔko, ɣee ɔnyɔ ɔ̃ ame.

⁵ Mmɔ i makpakpa mamɔ ɔwẽ to ɔɣere me sɔ,
“Daabie! Nyɔ! Dzata gɔ lobɔre i Yuda kale ame
fiε ɔɖe David ɔwa tete ɔɖe iso fiε ɔkate sɔ ɔaɖi

atsuebi akodze wa masu masẽ ala oko fie ãabusi wũ.”

⁶ Lonya gɔ Serererõ Ibi iwẽ xe i sigaraiyara ndẽndẽ fie ara wa mba ngbã aka ana wamɔ gu makpakpa oki malɔ ne. Ibara le ɔdɔe maɔdɔe Serererõ Ibi manya. Iba asa akodze gu anomi akodze. Anomi akodze wagbe nde Yaa Siwarã aka akodze dze osese kayiiso ɔduɔdu ne.

⁷ Serererõ Ibi ose ikela ise iafɔ oko i ngɔ nsi i sigaraiyara iso kuɔearõ ame.

⁸ Gɔ ifɔ oko ne, ara wa mba ngbã aka ana wamɔ gu makpakpa sinyɔ-ina ɔkɔle mafu i Serererõ Ibi katõ. Sisango gu sikãreteã arɔi pia i ma ɔbiara nrõõ ame. Kua korõkorõã gɔ nde Yaa maturi kayi ikparama ɔyi sikãreteã arɔi wagbe pɔpɔpɔ.

⁹ Maka kuka xete kuwẽ sɔ,
“Fɔ lokate sɔ aafɔ oko gɔgbe
fie aadji õ atsuebi gbaã

Alasɔ fɔ maɔdɔe,

fie iki i fɔ ima ne asu asɔre ame ne,
afɔ maturi aya atã Yaa.

Afɔ maturi abɔregu i ɔkpare biara, kaɔe biara,
side biara,
gu maturi agbãagbã ndẽ.

¹⁰ Asu ma abara masɔredze kaɔe sɔ maasɔre bo
Yaa,
fie maɔe sigara i kayiiso.”

¹¹ Si loledza inyɔ kere ne, lonɔ Yaa makpabo kukpikukpi ma i kuwẽ iibawo ɔka xe maki malɔ sigaraiyara, ara wa mba ngbã aka ana gu makpakpa sinyɔ-ina, to maɔi silo.

¹² I kuka teteree ame sɔ,

“Fɔ Serererõ Ibi ne maḍoe ne,
fɔ lokate sɔ aafɔ ɔle, karana, inɔgba, iwo-
bara,
kuware, ile gu katoikɔle.”

¹³ Ne lonɔ ara wa ɔɖuɖu i ʏaa ɔbara, nwa mpia
i kato gu karõ, karõ ame, ɔpo ame gu ara wa
ɔɖuɖu mpia i wã ame to aɣe sɔ,

“Ngɔ nsi i sigaraiyara iso gu Serererõ Ibi ɔkpe
nde ile, kuware, ikpawai gu ɔle kayi
daaro.”

¹⁴ Ara wa mba ngbã aka ana wamɔ ofɔ kanya sɔ,
“Si iba ngbɔ!” ɔluwẽ makpakpa ɔkɔle mafu katõ
i karõ masɔre ʏaa gu Serererõ ibi.

6

Serererõ Ibi ɔɖi Atsuebi.

¹ Lonya Serererõ Ibi ɔɖi atsuebi akɔdze wamɔ
ideakatõ. Ne lonɔ ara wa mba ngbã aka ana
wamɔ iwẽ ɔɖe ika le kado loɖu iɣe sɔ, “Ba!”

² Lonyɔ ne, ipɔngɔ fudza iwẽ ɣe. Ngɔ nsi i ne
iso to kuta fie masu sigaraikoto iwẽ matã wũ.
ɔbɔre le ngɔ loɔɖe iso awe, fie ɔbɔre sɔ ɔaɖe iso.

³ Ne kama ne, Serererõ Ibi ɔɖi itsuebi nyɔare,
ne lonɔ ara wa mba ngbã inyɔare ɔɣe sɔ, “Ba!”

⁴ Ipɔngɔ mama ne lorete pɛẽ ɔbɔre. ʏaa ɔtã
ngɔ nsi i ne iso ɔle sɔ ɔmɔẽ isobue ɔɖi i kayiiso
sɔ maturi aadɔe so. Ne ʏaa ka ɔsu ipɛmi siare
iwẽ ɔtã wũ ne.

⁵ Serererõ Ibi ɔɖi itsuebi tɛare, ne lonɔ ara wa
mba ngbã itɛare ɔɣe sɔ, “Ba!” Lonyɔ ne, ipɔngɔ
kpinakpina iwẽ ɔbɔre iya. Ngɔ nsi i ne iso to
ikerera.

⁶ Lonɔ nne lore silɔ ɔbɔre i ara wa mba ngbã aka ana ndě siye sɔ, “Kakpã igaku si ifɔ ikpene kuso si arĩ agaku ate si afɔ ikpene kuso, ye daanina nnoĩ gu ndã!”

⁷ Nnegbe kama ne, Serererõ Ibi ɔɔi itsuebi naare, ne lonɔ ara wa mba ngbã inaare ɔye sɔ, “Ba!”

⁸ Lonyɔ ne, ipongɔ ne iso nse le ndõ ɔbɔre. Ngo nsi i ne iso iyere nde kukpi fie ikpibio siai wũ i kama. Yaa ɔtã ma ɔle i kayiiso maturi ma ɔduɔ mpia si maye ma aka ana ika iwẽ iso sɔ masu kakpã, kukã, sinye lalaa gu maboi lalaa maɔoe maturi.

⁹ Gɔ Serererõ Ibi ɔɔi itsuebi ruva ne, lonya mma maɔoe alaso mato maye Yaa Itõme ɔso gu mma loɔe adansie i õ iso sikala i Isɔrekasege kayirino.

¹⁰ Mmagbe sikala ɔla kulu teteree sɔ, “Bosate gɔ nto ɔɔe iso, sekelese gu nukuarese, ku mme ɔwi kowũ aayegu mma loɔoe bo i kayiiso atõme fie aakare bo iti?”

¹¹ Masu awu fudza tagbaraa matã ma ɔbiara. Ne mayere ma sɔ mayara so kekeĩ si masu ma manyii gu ma maɔabo laa ma maɔoe sikala mabua i ma sire iso sɔ maayi mma ɔɔɔɔɔɔ lokote sɔ maɔoe le ma.

¹² Ne kama ne, lonya Serererõ Ibi ɔɔi itsuebi kuova. Karõ ɔti teteree, kuɔẽ ɔbara kpinakpina le ayogereĩ, fie ɔgbaworeti ɔkpese le ima.

¹³ Awãmi ɔkpase afere i karõ le kumego i adziribi yue se akpa si awe ɔkpẽ.

¹⁴ Kudokpo ɔkarĩ le kumego mase makarĩ oko fie marui abe gu kubemi gɔ ɔduɔ i ndu ɔki milɔ

i kō kuwekō.

¹⁵ Kayiiso magara, mma nto maḡe iso, makpakpēdze makpakpa, maranase, sile masate gu maturi tsōra oḡuḡu, masande gu mma loiḡe masande okola so i sikipolo ame gu atawo wa mpia i abe ndē ame.

¹⁶ Maḡere abe gu ata siare so, “Mibiε mifu bo iso si boawere i ngo nsi i sigaraiyara iso gu Serererō Ibi sikipā kanya.

¹⁷ Alaso ma sikipā iyi lalaa oḡba fie kuwē iibawo ne kanya oya!”

7

Yohanes Onya Maturi Kukpi Kulafa Sina-ina Ma I Yaa Oḡi I Israel.

¹ Nnεgbe kama ne, lonya Yaa makpabo ina ma nḡe i kayiiso akpakpai ana iso. Matē ori so owiri kuwē si oḡaasikipē obore i akpakpai ana wagbe iso i karō iso o-o, oḡo iso o-o, ḡee nane kudziri kukuwē ame.

² Loledza Yaa kpabo mama inya ḡo obore i kuḡekaborekō ise fie oḡo Yaa ḡo mba ngbā ikparī isiara. Yaa kpabo ḡoḡbe ola kulu teteree oḡere Yaa makpabo ina ma maḡi ori so maate karō gu oḡo inyewe,

³ maḡe so, “Midaabara karō ḡee oḡo, ḡee adziri kuirā boa ḡbḡḡbḡḡḡ bosu ikparī isiara bosia bo Yaa maḡabo ikparī i atongbo tōtō.”

⁴ Ne maro maturi ma matā Yaa ikparī ala Yaa ikparī isiara i Israel nle miweo-minyo ame lono ne. Ma nde maturi kukpi kulafa sina-ina.

⁵ Maturi kukpi kuweo-kunyo obore i Yuda kale ame.

Ma kukpi kuweo-kunyo obore i Ruben kale ame.
Kukpi kuweo-kunyo obore i Gad kale ame.

⁶ Kukpi kuweo-kunyo obore i Aser kale ame.

Kukpi kuweo-kunyo i Naftali kale ame,
fie kukpi kuweo-kunyo obore i Manase kale ame.

⁷ Kukpi kuweo-kunyo obore i Simeon kale ame.

Kukpi kuweo-kunyo obore i Levi kale ame.

Kukpi kuweo-kunyo obore i Isak kale ame.

⁸ Kukpi kuweo-kunyo obore i Zebulon kale ame.

Kukpi kuweo-kunyo obore i Yosef kale ame.

Fie kukpi kuweo-kunyo obore i Benyamin kale
ame.

Iturikuri Siare Ne Losakanya I Kato.

⁹ Nnegbe kama ne, lonya iturikuri siare ne i
kuwẽ iibawo oka fie mabore i maturi agbãagbã
odudu nde. Mabore i kale biara gu kade biara
gu side biara dze mase maye ame. Maya i
sigaraiyara gu Serererõ Ibi katõ. Ma odudu pia
awu fudza tagbaraa fie mato sike.

¹⁰ Mato mala kulu teteree maye so,

“Bo Yaa go nsi

i sigaraiyara iso

gu Serererõ Ibi nse matã maturi ngbã.”

¹¹ Yaa makpabo odudu xe maki malo sigaraiyara
gu makpakpa gu ara ka ana wa mba ngbã, mape
agegẽ mafu katõ i karõ i sigaraiyara katõ masore
Yaa

¹² maye so,

“Si iba ngbo!

ile gu ikpawai,

gu iwola gu siba,

gu kuware gu ole gu kato ikole nde bo Yaa okpe,

ita i kinio gbogboogbo kayi daaro daaro!
Si iba ngbo.”

¹³ Makpakpa mamɔ ndě ɔwě ɔkare me so,
“Mabe made mpia awu fudza tagbaraa fie le
mabore?”

¹⁴ Ne lotã wũ mmuai so, “Bosate, loiye, fo nye.”
Mmɔ ɔto ɔyere me so, “Mmagbe nde mma loki
i inyewe siare ame mabore ne. Mafore ma awu
i Serererõ Ibi ima ame afudza futututu.

¹⁵ Ne ɔso ne,
maɣe i Ƴaa sigaraiyara katõ
mato masore wũ kasẽ i kakome i õ isoreyo.
Fie ngo nsi i sigaraiyara iso aawe i ma ndě ɔdzuẽ
ma.

¹⁶ Ɔtukã yee kukã
iisibakpẽ ma kunya.
Fie kuyẽ ana iisibabebe ma kunya.

¹⁷ Alaso Serererõ Ibi ne mpia i sigaraiyara ndě
nde makodze.
Ɔto ñako ma ɔkelegu ngbego i ndu me nse
mitã ngbã ɔgodẽ,
fie Ƴaa aanukutu ma nnome ɔduɖu i katõ.”

8

Serererõ Ibi Ɔɖi Itsuebi Kodzeva.

¹ Ɔwi go i Serererõ Ibi ɔɖi itsuebi kodzeva ne,
kato ɔlo kananana le ɔɔwũ ofã.

² Ne lonya Ƴaa makpabo ikodze ma nye i Ƴaa
katõ fie ɔtã ma kudadã kukodze mato ne.

³ Ƴaa kpabo mama go nto sikãreteã irɔi ne
ame mase matsuedza kua korõkorõa ɔba ñaya i
isorekasege kore. Masu kua korõkorõa gbodzo
matã wũ so ɔsu ɔbua i Ƴaa maturi ɔduɖu kayi

ikparama iso si ɔtsuedza i sikãretɛa isɔrekasege ga nɣɛ i sigaraiyara katõ iso.

⁴ Kua kɔrõkɔrõa gɔ mapia ɔto ɔbɔre kuɣɔ isakanya ku ʏaa maturi kayi ikparama i ʏaa kpabo gɔ nɣɛ i ʏaa katõ nrõõ ame kukele kato.

⁵ Ne kama ne, ʏaa kpabo ɔɔi ɔto i isɔrekasege iso ɔpia i irɔi ne ame mase matsuedza kua kɔrõkɔrõa ame ɔfuĩdza ɔse i karõ iso. ɔluwẽ ne, kado ɔɔu teteree, silɔ agbãagbã ɔre, kado ɔmama, fie karõ ɔti.

ʏaa Makpabo ɔfẽ Ma Kudadã.

⁶ Ne ʏaa makpabo ikɔdze ma nto kudadã ɔledza so matã kudadã ifẽ ne.

⁷ Gɔ ʏaa kpabo ɔɛakatõ ɔfẽ õ kadadã ne, atumagerẽi gu ɔto gɔ losakanya ku ima ɔpe ifere i karõ iso. Si maɣe karõ aka ate ne, ika iwẽ ɔtsue. Si maɣe adziri wa nɣɛ i karõ iso aka ate ne ika iwẽ gu sikua yue ɔɔuɔu dzemɔ ana ɔtsue pelepele.

⁸ Gɔ ʏaa kpabo nyɔare ɔfẽ õ kadadã ne, masu ira iwẽ ne nse le kube siare gɔ nto kutsue mafuĩdza mapia i ɔpo ame.

⁹ Si maɣe ɔpo aka ate ne, ika iwẽ ɔkpese ima, ira biara ne mpia i ɔpo ame fie iba ngbã ika tɛare ɔkpi fie sikolo siare dze ɔɔuɔu nsia i ɔpo iso ana ika tɛare ɔnina.

¹⁰ Gɔ ʏaa kpabo tɛare ɔfẽ õ kadadã ne, iwãmi siare ne nto ifie le kaka ga matsue ɔkpase ibɔre i kato ibo i siwore gu atubu ɔɔuɔu ika tɛare ame.

¹¹ Iwami negbe iyere nde kudziri gɔ mba ɔɔo. Siwore ika tɛare ame ndu ɔbara ɔɔoɔo

fiε kabietε ana ɔbo i me ame gɔ itã sɔ maturi gbodzoo ɔkpi.

¹² Ne Yaa kpabo naare ɔfẽ ð kadadã ne. ɔluwẽ ne, ira ɔ ɔwuĩ kuχẽ ika tεare gu ɔgbaworeti ika tεare gu awami ika tεare ɔnyua ifiε. Nnegbe ɔtã sɔ ikpene ika tεare gu kasẽ ika tεare iisina ikpawai.

¹³ Nwagbe kama ne, lonya finikpo ɔwẽ to ɔferere i kato dzoroo fiε lonɔ ɔto ɔχε teteree sɔ, “Ndzo, ndzo, ndzo miɔe mitã mi ma nsi i kayiiso, alaso kudadã tsɔra gɔ i Yaa makpabo ite ma lokuti aafẽ ɔnyanyarĩ kuɔo.”

9

¹ Gɔ Yaa kpabo ruva ɔfẽ ð kadadã ne, lonya iwãmi iwẽ ɔkpase ibɔre i kato iba iawuĩ i karõ. Yaa ɔsu iwo gudua ne lobua iwodoro sibɔi ɔpia i iwãmi nrɔɔ ame.

² Gɔ ɔbusi iwo negbe kanya ne, kuχɔ lipii ɔtse isake ibɔre le ikpo siare ame kuto kubɔre. Kuχɔ ɔku kuχẽ ifiε ala kumεgɔ kusi ɔso.

³ Kugbadzedzei ɔso kubɔre i kuχɔ ame kuba karõ iso, fiε Yaa ɔtã kõ kabietε ga mba ole le siboitetε ore.

⁴ ɔχere kõ sɔ kudaabara sikua, karõ, aχatati χee adziri kuiru, χee kubara mma ɔɔɔɔ nna Yaa ikparĩ i itɔngbo ɔtile.

⁵ Yaa ɔtã kõ ɔri sɔ kute maturi ɔχia awa aru, χee kudaadɔe ma. Si kuta ɔturi ne, ise ibo le ɔboitetε ibo awe.

⁶ I awa aru wagbe ame ne, maturi to maabie kukpi sɔ maakpi, χee maibana, kukpi to kuakpẽ ma ɔkã, χee kuatere kuχe ma.

⁷ Kugbadzedzei kumiamia se le apɔngɔ wa manyi akpadza matã kakkpã. Ira ɔ sia kɔ̃ ati le sikãretɛa sigaraikoto fie kɔ̃ katɔ̃ se le maturi kure.

⁸ Kɔ̃ iti siwerẽ ɔkarã le ɔrɔ̃go sire fie kɔ̃ anyɛ se le dzata are.

⁹ Kɔ̃ agbegbe akolo se le ibɔra ne mase mafu igbegbe i kakkpã ame. Kɔ̃ abue ipɛ to ire le ibɔra makeke gu apɔngɔ gbodzoo wa nto akɛle kakkpã ame.

¹⁰ Kugbadzedzei gɔgbe sikã gu ara wa kuse kuta ala maturi se le siboitete sire fie kɔ̃ sikã ame i nne kuasu kute ala maturi ɔxiã awa aru pia.

¹¹ Kuba igara gɔ ndɛ kpabo gɔ nto ɔnyɔ iwo gudua ne lobua iwodoro iso. Ɔ iyere ndɛ Abadon i si Hebrise ame fie mase makpere wũ sɔ Apolion i si Helase ame gɔ karɔ̃ ndɛ sɔ raninadze ne.

¹² Inyɛwe deakatɔ̃ ɔɔfe, nyɔ, ikuti wã anyɔ mama wa nse i kama.

¹³ Gɔ Ƴaa kpabo kuɔva ɔfẽ ɔ̃ kadadã ne, lonɔ silɔ siwẽ ɔbɔre i asa ana wa nyɛ i sikã isɔrekasege ga nyɛ i Ƴaa katɔ̃ ame.

¹⁴ Silɔ ɔɣere Ƴaa kpabo kuɔva gɔ nto kadadã sɔ, “Kurisi Ƴaa makpabo ina ma manyi mase i Frat ɔwore katɔ̃!”

¹⁵ Ne ɔso makurisi Ƴaa makpabo mamɔ. Maledza ma fie ma wũ maledza so matã ɔɔwũ, iyi, kuwa gu iko sɔ si maadɔe kayiiso maturi ɔɔɔɔ ika tɛare.

¹⁶ Lonɔ sɔ makpakpɛdze ma nsi i apɔngɔ iso kukame ndɛ kukpi kuweo aka kukpi kuweo aka anyɔ.

¹⁷ Kumɛgo lonya apɔngɔ gu mma nsi wã iso i kadikate ame ngbe ne. Mapia abɔra i agbegbe,

awě ɔreɛ le ɔto go lowara, awě ana se le kudokpo go lokpa, fie awě ana se le iyata ne loreɛ. Apongo ati se le madzata fie ɔto gu kuɔo gu atogereĩ to abore wã i kanya ame.

¹⁸ Masu ara ka ate wa maasu mate ala ɔturi ɔyiã, wa nde ɔto, kuɔo gu atogereĩ wa nto ɔbore i apongo kanya ame maɔoe ala kayiiso maturi ɔduɔdu ika teare

¹⁹ Apongo ole pia i wã kanya ame gu wã sikã ame. Wã sikã se le aɣe fie aba iti. Sikã dzegbe ase asu ate ala maturi ɔyiã ne.

²⁰ Mma ɔduɔdu lokuti fie maikpi i inyewe negbe ame ne, masẽ, maifiniki manyua ma ara wa masu ma arɔĩ mabara ɔsore. Mainyua siwarã lalaa, sikãretea gu sikãfudza, ibora retea gu ara wa mawe ala kudziri wa loise anya ara, ɣee ano ara, ɣee ase isore.

²¹ Maifiniki manyua ma ituridoe, sibo ipe, asorõ idɛ gu kayu.

10

Yaa Kpabo Go Nto Kakoi Kosoi.

¹ Ne kama ne, lonya Yaa kpabo mama go mba ole ɔso ɔbore i kato. ɔɣe i adodo ndẽ fie ɔbebei oki ɔlo ã iti. ɔ katõ to kafie le kuɣẽ fie ã ngba se le ɔto akpa.

² ɔmoẽ kakoi kawẽ ga mabusi ɔto i korõ. ɔsu ã kudɛarõkpa ɔɣedza i ɔpo iso fie kubenakpa ana ɣe i karõ iso.

³ Ne ofã teteree le dzata nto ofafã. Go ofã ne, kado idu ikpe ikodze silo ore.

⁴ Gɔ kado idu ikpe ikɔdze silɔ ɔre ne, lobie sɔ si lotsere ara wa lonɔ lose, xe silɔ siwẽ ɔde me ika sibɔregu i kato sɔ, “Sẽ ara wa i kado idu aka akɔdze ɔxe se ne daatsere wā ase.”

⁵ Kere ne, Yaa kpabo gɔ lonya ɔxe i ɔpo gu karɔ iso ɔkɔle ɔ̃ kuɔearɔ̃ kato.

⁶ Ɔkã ndamu i Yaa gɔ nna kawirikɔ fie ɔ̃ lobara kato gu kã ara ɔduɔdu, karɔ gu kã iso ara ɔduɔdu, ɔpo gu ɔ̃ ame ara ɔduɔdu iyere ame ɔxe sɔ, “Ɖwi inina kuiwẽ iisibawe.

⁷ Si Yaa kpabo kɔdzeva ɔfẽ ɔ̃ kadadã ne, iyo Yaa adzuni werɛa wa imomo i ɔ̃ kanyamaɔidze ma nde ɔ̃ maɔabo ɔpe aaba i ne ame.”

⁸ Ne kama ne, silɔ dze lonɔ lobɔregu i kato ɔledza me ika idɛgu sɔ, “Kɛɛ aafɔ kakoi ga mabusi fie kapia i Yaa kpabo gɔ nxe i karɔ gu ɔpo iso nroɔ ame.”

⁹ Ne ɔso lɔkɛɛ Yaa kpabo kɔre loxere wũ sɔ ɔsu kakoi ɔtã me. Ɖxere me sɔ, “Fɔ si awe. Ito iawe ɔɔo i fɔ kayiri ame, xɛɛ i fɔ kanya ame ne, iawe ɔmerẽ le maɔendu.”

¹⁰ Lofɔ kakoi i ɔ̃ kɔre lowe. I wũ kanya ame ne, iwe me ɔmerẽ le maɔendu, xɛɛ gɔ lome ne, iwe ɔɔo i wũ kayiri ame.

¹¹ Ne ɔxere me sɔ, “Ikate sɔ aape Yaa Itɔme imomo atã ndɛbi gbodzoo, maturi agbãagbã, siɔe agbãagbã, gu magara gbodzoo.”

11

Yaa Ɖtã Maɔansie Inyo Ɖle.

¹ Nnegbe kama ne, masu ɔdziri gɔ nse le ngo mase masusu ala ara matã me ne Yaa ɔxere me

so, “Keele aasusu wū isoreyo gu isorekasege si aka mma nto masore me i isoreyo ame.

² Үеe daasusu isoreyo katō, alaso masu mmō matā mma loide ma Yudase fie maatutui sikpatōrē i omagē sekelea iso awa sina-inyo.

³ Loatā wū maḡansie inyo ole maḡe wū Itōme i ayi kakpi gu alafa anyo gu sikuo ame mapia ara kpinakpina.”

⁴ Maḡansie inyo magbe nde nnoīsudziri inyo gu sikaniedziri inyo dze nye i karō Sate anomi ame ne.

⁵ Si orere obie so ōabara ma ira boa ne, oto se obore i ma kanya ame owora matsirise. Ngo loabie so ōabara ma ira boa ne, ngbo maadoe wū ne.

⁶ Maba ole so go mato maḡe Үaa Itōme ne, maasē kudokpo so kado iibape. Maba ole ana so maafinikira ndu mikpese ima fie maakpadzē inyewe biara igbā mabo i kayiiso owi biara go maadoe.

⁷ Si maḡe ma itōme maro ne, iyo boi lalaa go lobore i iwo gudua ne lowodoro ame to ōakpēgu ma oḡe ma iso fie ōadoe ma.

⁸ Mato maanyua ma makpise mase i omagē siare go iyere i igbā ame nde Sodom gu Egipte siri iso. Omagē gogbe ame ide mapē ma Okose mamatāra i kudziri iso ne.

⁹ I ayi ate ku ofā ame ne, maturi to maabore i kaḡe biara, kale biara, siḡe biara gu maturi igbā biara ndē maba maanyo ma makpise fie maibatā ori so mabiara ma.

¹⁰ Kayiiso maturi to maana isoḡo i maḡansie inyo magbe kukpi iso. Mato maalele, masese so

ara alaso Ƴaa maɗansie magbe okpadzẽ inyewe gbodzoo mabo kayiiso maturi iso.

¹¹ I ayi ate ku ofã wamɔ kama ne, siwarã dze nse sitã ngbã obore i Ƴaa kore siba siabo i ma ame fie mata maya! Ifõ omõẽ mma oduɗu lonya gbaã.

¹² Ne kama ne, maɗansie inyo magbe onɔ silo teteree siwẽ obore i kato siyere ma so, “Miba i kato ngbe!” Ne oso i ma matsirise anomi ame ne, mabo i idodo iwẽ ame makele kato.

¹³ Owi gomɔ ame tutuutu ne, kayi oti teteree go itã omagẽ kuse kuweo ame iwẽ obiebie wosowoso. Maturi kukpi kukodze okpi i karõ iti nemo ame. Ifõ omõẽ maturi tsora ne oso male Ƴaa go mpia i kato.

¹⁴ Inyewe ne mba ifõ nyɔare oofe, nyo iteare to iba kiniokinio.

Mafẽ Kadadã Kodzewa.

¹⁵ Ne kama ne, Ƴaa kpabo kodzewa ofẽ ñ kadadã. Silo agbãagbã ore teteree i kato so, “Kayi gagbe sigarakadekõ okpese Bo Ƴaa gu ñ Kristo okpe, fie ñade sigara ita i kinio ikpa kayi daaro.”

¹⁶ Oluwẽ ne, makpakpa sinyo-ina ma nsi i ma sigaraiyara iso i Ƴaa katõ ota makole mafu i ñ katõ male Ƴaa.

¹⁷ Maɣe so,

“Bosate Ƴaa ole oduɗu Sate go mpia fie ñowe onya,
boto bopɛ-o siba,
alaso asu fo ole siare
ato aɗe kayi iso.

18 Sikpã okpě mma loide ma Yudase, fie fɔ sikpã
ɔwi ɔɔɔ.

Ɔwi ɔɔɔ go aaxegu makpise atõme,
fie aakpadzě ma kutsue.

Ɔwi ɔɔɔ ana go aatã fɔ kanyamadidze,
ma losɔre-ɔ, fɔ maturi gu mma nse manigã
fɔ iyere ɔɔɔdu kuso,
maturi nyaa gu mma nna i kaira ame,
fie aawɔra mma nto manina kayiiso.”

19 Ƴaa isɔreyo ne i kato ɔsese fie lonya kanya
inyi adaka i isɔreyo ame. Ɔluwě ne, kado
ɔma silɔ agbãagbã ɔre, kado ɔɔɔ, karɔ ɔti, fie
atumagerěi ɔpe teteree!

12

Ɔrõgo Gu La Siare.

1 Iwawãra siare iwě ɔbɔre i kuɔokpo. Ɔrõgo
ɔwě go losu kuɔě ɔpia le awu ɔbɔre. Ɔgbaworeti
pia wũ i ngbatata fie sigaraikoto ne masu awami
aweo-anyɔ mabara sia wũ iti.

2 Ɔto kayiri fie kuɔe to kuɔɔɔ wũ. Kumego
ɔto ɔnya ibo kaɔu ɔso ne, ɔto ɔla kulu teteree.

3 Iwawãra mama ana ɔledza ibɔre i kato go
nde la siare retɛa ɔwě. Ɔba ati akɔdze, ɔre asa
aweo fie ɔtõme sigaraikoto akɔdze.

4 Ɔsu ɔ̃ ɔkã ɔfie awami wa ɔɔɔdu mpia i kato
si maɔe wã aka ate ika iwě ɔba ɔafere i karɔ. Ne
ɔso la ɔba ɔaya i ɔrõgo go i kuɔe to kuɔɔɔ katɔ
so si ɔnya ɔye ɔbi ne, si ɔasu ɔbi ɔme.

5 Ɔrõgo ɔba ɔaye ɔbirereĩ. Ɔ nde ngo loasu
ibɔradziri ɔɔe kayiiso ɔɔɔdu iso ne. Mapɛ ɔbi
mafɔ ɔluwě makelegu Ƴaa gu ɔ̃ sigaraiyara katɔ.

⁶ Ne orõgo ɔtere ɔkele fafuĩ ame ngbego i Yaa ɔledza kasekõ ɔse wũ so maanyo wũ iso ayi kakpi gu alafa anyo gu sikuo ne.

⁷ Ɔwi gomo ame ne, kakpã ɔpe i kato. Mikael gu ã makpabo laa ɔro aye kakpã, fie aye gu ã maɔabo ma wũ masaregu ma i kakpã ame.

⁸ Maɔe aye gu ã maɔabo iso fie maisina kasekõ i kato.

⁹ Ne ɔso masu aye siare mafuĩdza masese karõ iso. Wã nde aye kuere wa lofo iyere so Ɔbosam gu Satana go lososola kayiiso ɔduɔdu ne. Ɔ gu ã maɔabo mafuĩdza masese kayiiso ne.

¹⁰ Ne lono silo ore teteree i kato sito siye so, “Kini i bo Yaa idi gu ã ole gu sigara ɔɔewi ɔɔo ne.

Fie ã Kristo ole ana ɔɔba. Alaso maosu ngo nse ɔɔae bo manyii kanya kasẽ i kakome ɔtã Yaa mafuĩdza maboregu i kato.

¹¹ Maɔe wũ iso
iki i Serererõ Ibi ima iso
gu Itõme Bielea ne mape imomo ame.
Alaso matorã kere so maakpi
fie ma ngbã iisu ma kuirã.

¹² Ne ɔso so si siyo
kato gu mma ɔduɔdu mpia i mmo.
Yee ndzo miɔe mitã karõ gu ɔpo!
Alaso Ɔbosam ɔso ɔba mi kore
fie sikipã to wũ gbaã,
alaso ɔye so ã ɔwi iisisi.”

¹³ Go la onya so maɔfuĩdza wũ mabo karõ iso ne, ɔti orõgo go loye ɔbirereĩ kama.

¹⁴ Yee Yaa ɔsu finikpo siare abue anyo ɔtã orõgo so ɔferere ɔye la ɔkele fafuĩ ame ngbego

maledza mase wũ fie maakararã wũ ako ate gu awa akuo so la iisibawo wũ kutsue oɗaa.

¹⁵ Ne la ɔra ndu me losi le ɔwore siare so si misore ɔrõgo ne,

¹⁶ ɣee karõ ɔfõgu ɔrõgo go kaware kanya kane ndu me ɔduɗu i la ɔra.

¹⁷ Sikpã lalaa ɔmõẽ la i ɔrõgo iso, ne ɔso ɔkɛle so ñakpẽgu ñ mabi gu mawa ma lokuti. Ma nde mma ɔduɗu nse mabara i ɔaa mmara iso fie mamõẽ ɔnukuare itõme ne maɗi mate ma i Yesu iso mato i ɔnukuare ame ne.

¹⁸ Ne la ɔse ñaya i ɔpo kanya ne.

13

Yohanes ɔnya Maboi Lalaa Inyo Mawẽ.

¹ Nnegbe kama ne, lonya boi lalaa ɔwẽ go ɔto ɔbore i ɔpo ame. ɔba asa aweo, fie ɔba ati akodze. Ana ne, isa biara tõme sigaraikoto fie matsere mmusuo iyere masia i ñ ati iso.

² Boi go lonya se le ɔgidi. ɔ ngba se le iketeke mire fie ñ kanya se le dzata kare. La ɔsu ñ momo ole gu ñ sigaraiyara gu ole siare go ɔto ɔde iso ala ɔtã boi lalaa gogbe.

³ Boi iti iwẽ ɔbara le maɔɔe ne manya, ɣee igbe siare nemo ɔokpi. Ne ɔso ñ ara ɔbara kayiiso maturi ɣii go itã so masiai wũ.

⁴ Maturi ɔsore la alaso ɔsu ñ ole go ɔba ɔtã boi gogbe. Masore boi ana maɣe so, “Nna nse le boi gogbe? Nna loawo wũ ɔkpẽgu?”

⁵ Matã boi ole so ñakole so kato ɔɣe amusuora gbodzoo fie ñaɗe iso awa sina-inyo.

6 Ọbusi kanya ọye amusuora i Ẹaa gu ọ iyere gu ọ kasekọ gu mma ọdudu mpia i kato iso.

7 Matā wū ọri ana sọ ọkpẹgu Ẹaa maturi si ọde ma iso. Matā wū ọle ana i kale biara, kaḍe biara, siḍe biara gu maturi igbā biara iso.

8 Mma ọdudu mpia i kayiiso fie ma ayere na i Serererọ Ibi ne maḍoe ngbā ọko ame ita i kayi karọkasekọ to maasore boi.

9 Ngo mba atsue si ọno!

10 Si ọrere ọkate sọ maamọ ọ wū sisande ne, maamọ ọ wū sisande.

Si ọrere ọkate ọtā idoe ala ipemi ne, ipemi maḍoe wū ala.

Maḡe nneḡbe sọ Ẹaa maturi aawe ọdzini i ma inyewe ame ku kafokaḍe.

11 Ne kama ne, lonya boi lalaa mama ḡo losake ọbore i karọ ame. Ọba asa anyo i iti le kakpalasai fie ọto ọde ika le la awe.

12 Ọbara ọle ḡo ọdudu i boi lalaa deakatọ ba karabara i ọ katọ fie ọxie kayiiso maturi ọdudu sọ masore boi deakatọ ḡo lofo igbe fie ọ iyeyi ọkpọ.

13 Boi nyọare ḡoḡbe ọbara awawāra siare. Ọtā ọto ọkpase ọbore i kato ọba karọ i maturi ọdudu ano.

14 Fie ọki i ọ awawāra ibara ame ọsọsọla kayiiso maturi ọdudu i boi deakatọ ḡomọ katọ. Boi ḡoḡbe ọxere mma mpia i kayiiso sọ mapo boi deakatọ ḡo maḍi igbe ala ipemi fie ọpia ngbā kumiamia iti si masu mapia wū kuware.

15 Matā boi lalaa nyọare ḡoḡbe ọle sọ ọwarā siwarā ọpia i boi deakatọ kumiamia iti ne mapo ame sọ iawo ika ọde, ana ne, iatā maḍoe mma losọ sọ maito masore ne.

16 Bɔi gɔgbe ɔɣie maturi ɔduɔu, masiare gu ma nna i kuira ame, maranase gu mawereba, masande gu mma loide masande so mafɔ ikpari i ma kuɔearɔ ɣee ma itongbo.

17 Ɖbiara gɔ loifo bɔi ikpari ne nde ɔ iyere ne, ɣee ara kukame gɔ nɣe kutã ɔ iyere ne, maitã wũ ori so ɔarɔdẽ ara, ɣee ɔaxa kuira.

18 Iwola itɔme ide i ngbe! Ɖbiara gɔ ikpa aano ara kukame gɔ nɣe kutã bɔi gɔgbe karɔ, alaso oturi iyere iɣe itã. Kukame nde 666.

14

Yohanes Ɖnya Serererɔ Ibi Gu Ne Maturi.

1 Ne kama ne, lonya Serererɔ Ibi gɔ iɣe i Zion kube iso. Maturi kukpi kulafa sina-ina ma atongbo iso matsere ɔ iyere gu ɔ Ɖse iyere masia ɣe wũ i kɔre.

2 Lonɔ silɔ siwẽ dze nto sire le ndu nto mikpase i ata iso, ɣee kado nto ɔdu teteree i kato. Silɔ dze lonɔ ore le maturi sisango ifẽ silɔ ana.

3 Mato maka kuka ɣete i sigaraiyara gu ara wa mba ngbã aka ana gu makpakpa katɔ. Kuwẽ iibawo kuka gɔmɔ ɔsuã ido maturi kukpi kulafa sina-ina ma iti ɔtã kuso i kayiiso onɔwẽ.

4 Ma nde marerẽ ma loiregu ɔrɔgo manya le marɔgo ma loiregu ɔrerẽ manya. Ma nde mma nse masiai Serererɔ Ibi makele kakɔi biara ga ɔse ne. Ma iti ide ɔtã kuso i maturi awune ndẽ fie ma nde maturi deakatɔ ma masu matã Ƴaa gu Serererɔ Ibi ne.

5 Maila sila manya, fie mainya iɣere kuiwẽ ana i ma iso.

Yohanes Onya Yaa Makpabo Its.

⁶ Lonya Yaa kpabo mama ana go nto oferere i kato gu karõ ndê. Itõme Bielea ne nna kawirikõ pia wũ i nrõõ ame õape ne imomo otã kayiiso maturi odudu, maturi agbãagbã, kale biara, side biara gu kađe biara.

⁷ Yaa kpabo ola kulu teteree oxe so, “Minigã Yaa si misu kuware mitã wũ, alaso owi ooxo so õaxegu kayiiso maturi atõme. Misore õ go lobara kato gu karõ, owo gu siwore dze nto sibore sife odudu!”

⁸ Yaa kpabo nyõare siai odeakatõ oto oxe so, “Õobie o-o! Babilonia go lofo iyere obbie o-o! Omagẽ go lomidza ndebi odudu õ asorõ ide ndã fie okpadzẽ Yaa sikpã obõ ma iso obbiebie wõsowõsõ!”

⁹ Yaa kpabo teare go nsiai ngõmo ola kulu teteree oxe so, “Si orere osore bõi lalaa xee õ kumiamia itĩ, xee ofõ õ ikparĩ i itõngbo, xee karõtõ ne,

¹⁰ õane Yaa sikpã siare gu kutsue ikpadzẽ ndã me mailupu ndu fie mafere me i ibui ame miyi. Yaa aasu oto gu atumagerẽi mabara ngõmo kako i õ makpabo sekelea gu Serererõ Ibi katõ.

¹¹ Kuõõ go loabore i ikpo ne ame õate ma kako iibanyi kunya! Mma losore bõi lalaa gu õ kumiamia itĩ gu mma lofo õ iyere ikparĩ iibana iwarã manya kasẽ i kakome.

¹² “Maõe nnegbe so si mma nde Yaa maturi fie mamõẽ Yaa itõme mato fie mafõ Yesu mađe ana aana otu i inyewe ame.”

¹³ Ne lonõ silõ siwẽ obore i kato sito siõe so, “Tserẽ nnegbe Ita i kinio ne, so aaxõ mma mpia i

Bosate ame fie makpi.” Ne Yaa Siwarã ofo kanya so, “Gbaã ne, maatã ma kusekuse fie maana iwarã i ma inyewe ame, alaso ma kurabarara to kuasiai ma.”

Yaa Orađui Osorẽwi I Kayiiso.

14 Ne kama ne, lonya idodo fudza iwẽ ne iso i owẽ si le Oturi Awune Obi awe. Otõme sikãreteã ikoto fie onyoĩ go mba obe pia wũ i korõ ame.

15 Yaa kpabo mama obore i Isoreyo ola kulu teteree oxere ngo nsi i idodo iso so, “Orađui osorẽwi ooxo! Nabarã onyoĩ si asorẽ orađui alaso kayiiso maturi oduđu okote matã isorẽ.”

16 Ne oso ngo nsi i idodo iso onabarã õ onyoĩ osese kayiiso osorẽ kã orađui.

17 Lonya Yaa kpabo mama obore i isoreyo ne i kato ame. O wũ oto onyoĩ go mba obe i korõ.

18 Yaa kpabo mama go mba ole i oto iso obore i isorekasege ame. Ola kulu teteree oxere kpabo go nto onyoĩ go mba obe i korõ so, “Adziribi wa loxõ obe! Nabarã fo onyoĩ si asorẽ adziribi wa i kayiiso ndã kawakõ ame.”

19 Ne oso Yaa kpabo onabarã õ onyoĩ osese i kayiiso odae wain abi wa mpia i karõ iso. Obodza wã ofere i nne ame mase makã wain ame go nnegbe nxe i Yaa sikipã siare kanya.

20 Mabio adziribi i kabenya fie ima to ibore ibore i nne ame mase makã adziribi. Iwodoro le ngba miru fie ibore agu alafa anyo.

15

Yaa Makpabo Obo Inyewe Aka Akodze Tsora.

¹ Nwagbe kama ne, lonya iwawāra mama i kato ne mba xii gbaã. Ne nde Yaa makpabo ikodze ma nroõ ame i inyewe aka akodze pia ne. Inyewe akodze wagbe nde atsora wa loadj Yaa sikipã tsora ate ne.

² Lonya opo go nse le axoxoxe wa ame lorete le otõ. Mma lođe bõi lalaa gu õ kumiamia itĩ gu õ iyere ara kukame iso xe i axoxoxe katõ fie Yaa opia ma sisango i nroõ ame.

³ Maka Mose go nde Yaa odabo gu Serererõ Ibi kuka so,

“Bosate Yaa go nde ole odudu Sate, fo kurabarara omõ fie kuse yaa gbaã.

Fõ go fõ nde kayiiso odudu igara,
fo siri se bololo
fie adẹ onukuarese.

⁴ Nna mpia fie õibanigã-õ Bosate?

Fie nna loibapia fo iyere kuware?
Alaso fo onowẽ fo nse sekelee
fie maturi odudu aabo ma ati karõ matã-õ.
Alaso maonya fo sibololo kurabarara.”

⁵ Nnegbe kama ne, lonya isoreyo ne mpia i kato gu Yaa sikati ikpayo ne ame ose ose osese ise.

⁶ Yaa makpabo ikodze ma nto inyewe aka akodze obore i isoreyo. Mapia awu fudza wa nse sekelee fie ato afie gelegelegele. Masu sikaretea kufiami matõ so i agbegbe.

⁷ Ne ara wa mba ngbã aka ana iwẽ osu sikaretea arõi akodze wa ame i Yaa go mba ngbã fie opia owi biara sikipã pia otã Yaa makpabo ikodze magbe ne.

⁸ Kuxõ go nto kubore i Yaa ikpawai gu õ ole ame oyi Yaa isoreyo kpiti. Kuwẽ iiwo isoreyo

ame obo gboḡboḡbo inye we aka akodze wa i
 Yaa makpabo ikodze mamō obo oḡe aro.

16

Mafedza Yaa Sikipā Arōi Mafere I Kayiiso.

¹ Ne lonō silō siwē ore teteree si bōre i Yaa
 isōreyo ame si to siḡere Yaa makpabo ikodze
 mamō sō, “Mikēle mīafedza nne mpia i Yaa sikipā
 arōi ame mifere i kayiiso!”

² Ne oso Yaa kpabo deakatō ose ōafedza nne
 mpia i ō irōi ame ofere i kayiiso. Oluwē ne,
 adzalebi aḡei wa nse afōrē obōre afere i mma iso
 i bōi lalaa ikparī sia gu mma losōre ō kumiamia
 itī.

³ Yaa kpabo nyōare ofedza nne mpia i ō irōi
 ame ofere i oḡo ame. Ndu me mpia i oḡo ame
 okpese le kpise ima, ne oso ara wa oḡuḡu mba
 ngbā i oḡo ame okpi.

⁴ Yaa kpabo tēare ofedza ō irōi ofere i siwore
 gu atubu ame, ne sē ndu okpese ima ne.

⁵ Ne lonō kpabo ḡo nto onyō ndu iso oḡe sō,
 “Fō ḡo fō mpia fie oḡwe anya fie aḡe ngo losekele.
 Aḡae atōme i ori sēe iso lo!”

⁶ Mmagbe oḡo fō maturi gu fō kanyamadḡdze.

Ne oso atā ma ima sō mane ne.

Kutsue ikpadzē negbe okategu ma!”

⁷ Ne lonō isōrekasege to kaḡe sō, “Aī, Bosate
 Yaa, Olesate, ase aḡe onukuare fie ase aḡae
 atōme i ori iso.”

⁸ Yaa kpabo naare ofedza nne mpia i ō irōi
 ame ofere i kuḡē iso itā kutsuedza maturi ala kō
 otowiri.

⁹ Kuḡẽ ɔbebe maturi teteree so maḡe amusuora i Ḳaa go mba ɔle i inyewe neḡbe iso, ḡee masẽ so maibafiniki masu kuware matã wũ.

¹⁰ Ḳaa kpabo ruva ɔfedza ã irɔi ɔfere i bɔi sigaraiyara iso. Ɖluwẽ ne, idududu ɔba i bɔi sigarakadekã. Maturi to mawe kanya ala ibo ne mato manya ɔso.

¹¹ Maḡe amusuora i Ḳaa go mpia i kato iso ala adzalebi aḡei wa nsia ma iso gu ibo ne mato manya ɔso. Ḳee masẽ so maibafiniki i ma kurabarara nyanyarã kama.

¹² Ḳaa kpabo kuɔva ɔfedza nne mpia i ã irɔi ame ɔfere i Frat ɔwore siare ame go itã so ɔsã ɔkpese kakorekã gu ɔri ɔtã magara ma lobɔre i kuḡẽkabɔrekã.

¹³ Lonya siwarã lalaa aka ate wa nse le akɔrɔkɔrɔ ɔbɔre i la, bɔi lalaa gu mila kanyaɔidze kanya ame.

¹⁴ Siwarã aka ate dzegbe nde siwarã lalaa dze nse sibara awawãra ne. Siwarã dzegbe loabɔre sikele kayiiso magara ɔɔɔɔ kɔre so siasa ma kanya sitã Ḳaa Ɖle Ɖɔɔɔ Sate Iyi siare nemo kakpã.

¹⁵ “Nyɔ! Loto loba le yukukpe. So aagɔ ngo lonyɔ tuee fie ɔledza ã awu ɔse so ãibase isã i maturi ndẽ kunuare ɔkpẽ wũ.”

¹⁶ Ne ɔso siwarã lalaa dzegbe gu magara ɔba maasikanya i nḡbego mase maro i si Hebrise ame so Armagedon.

¹⁷ Ḳaa kpabo kodzeva ɔfedza nne mpia i ã irɔi ame ɔfere i ɔwiri ame. Ne silo siwẽ ɔre sibɔre i sigaraiyara iso i Ḳaa isoreyo ame so, “Ɖoro o-o!”

¹⁸ Oluwě ne, kado otse imama, silo agbãagbã to sire teteree kado to odu teteree fie karõ otse iti ku ifõ. Ita i owi go i Yaa obara oturi ne, karõ iiti ngbo kanya, nnegbe nde karõ iti ne lonyanyarĩ ido ne.

¹⁹ Omagě siare go lofo iyere obese aka ate, fie ndebi simagě siare ana obiebie. Yaa onyigi Babilonia omagě siare go lofo iyere, ne oso osu õ sikipã ndã ikoi ne oto otã wũ one otara karõ.

²⁰ Nrõ me odudu i ndu oki milo oyu pelepele fie kube kukuwě ana iisiwe maanya.

²¹ Atumagerẽ wa lomo le mma okoto oba aape. Awuĩwuĩ maturi gbaã ne oso maye amusuora i Yaa iso. Inyewe negbe onyanyarĩ gbaã.

17

Yaa Okpadzẽ Asorõdedze Siare Kutsue.

¹ Mmo i Yaa makpabo ikodze ma nto aroi akodze owě oba wũ kore oyere me so, “Ba nyo kumego maakpadzẽ asorõdedze siare go nsi i ndu gbodzoo iso kutsue.

² Kayiiso magara odegu asorõdedze go lofo iyere ngbe asorõ, fie õ asorõ ide omõ kayiiso maturi le ndã.”

³ Kpabo gogbe oko me i siwarã ame okelagu fafui ame ngbego i maturi na. Lonya orõgo owě go nsi i boi lalaa retea owě iso. Mmusuo ayere gbodzoo sia i boi iso, fie oba ati akodze gu asa aweo.

⁴ Orõgo gogbe pia awu kpinakpina gu arẽtea, fie okere so ala sikãreteã ara, anyi wa lofo kuõa gu ata wa lofo kuõa. Oto sikãreteã itunera ne loyigu

anyanyara gu ara nyanyarĩa wa ɔna ɔbɔreɣu i ɔ asɔrɔ idɛ ame.

⁵ Matsere iyere ne karɔ lowere masia i ɔ itɔngbo sɔ,

Babilonia gɔ lofo iyere,

Masɔrɔdɛdze onyi, kayiiso anyanyara onyi.

⁶ Lonya sɔ ɔrɔgo gɔgbe ɔɔne Yaa maturi gu mma maɔɔe ala ma Yesu kafɔkaɔe ɔso ima ɔto ɔrɛ le ndã. Gɔ lonya wũ ne, ibara me yaa gbaã.

⁷ Ne Yaa kpabo to ɔkare me sɔ, “Nda ɔso ito ibara-ɔ yaa? Loayere-ɔ iwerera i boi gɔ mba ati akɔdze gu asa aweo gu ɔrɔgo gɔ nsi wũ iso iso.

⁸ Boi gɔ anya ne, ɔɔse ngbã ɔnya, yee kinio ne, ɔɔkpi. ɔto ɔabɔre i iwo gudua ne lobua iwodoro ame ɔba fie maawɔra wũ. Mma nsi ngbã i kayiiso fie ma ayere na i magbanadze ɔko ame ta kayi karɔkasekɔ ne, ito iabara ma yii si manya boi, alaso ɔɔɛ ngo loɔse ngbã ɔnya fie ɔkpi, fie ɔto ɔaledza iba ana.

⁹ “Ngo mba iwola gu ara karɔ inɔ pe loano nneɣbe karɔ. Ati akɔdze ɔe kubemi kukɔdze gɔ iso i ɔrɔgo si,

¹⁰ ana ne, alsisi magara maɔe gɔ ma ndɛ iru sigara ɔɔewi ɔɔfe koko. ɔwɛ to ɔɔe iso kinio, fie ɔtsɔra ɔwi iiyɔ. Si ɔ ɔwi ɔyɔ ne, ɔwi kurukutu kere ɔaɔe sigara.

¹¹ Boi lalaa gɔ loɔse ngbã ɔnya fie ɔsiina kinio nde igara farafanava, yee ɔɔe magara ikɔdze ndɛ ɔwɛ gɔ i Yaa to ɔawɔra.

¹² “Asa aweo wa anya ne, magara iweo ma sigara ɔɔewi loiɔ maɔe, yee maana ɔle ɔɔɔwũ ɔwɛ sɔ maɔegu boi lalaa sigara.

¹³ Adzuni awẽ saã ađe magara iweo magbe ɔduɔu fie maasu ma kayakpa gu ɔle matã boi lalaa.

¹⁴ Mato maakpẽgu Serererõ Ibi, xee ito iade ma iso, alaso ẽ nde Makose ɔduɔu Okose, gu magara ɔduɔu igara. Ɔ masiaidze ma Yaa ɔkpere, ɔte ma ɔse fie masiai wũ i ɔnukuare ame to maawegu wũ.”

¹⁵ Yaa kpabo ɔledza me iyere so, “Ndu me anya asorɔɔdedze si iso nde ndebi, maturi akuri, maturi agbã, gu sidexea agbãagbã.

¹⁶ Asa aweo wa anya gu boi to maatsiri asorɔɔdedze. Mato maafõ wũ ira biara iso ɔse isõ. Maawe ẽ sina matsuedza wũ.

¹⁷ Alaso Yaa ɔsu nnegbe ɔpia i ma situ ame so mabara ngbo si adzuni wa ɔbara ɔse iso iki i mawẽ ibara ame so maasu ma ɔle go mato made iso ala matã boi lalaa gbogboogbo ɔwi go i Yaa itõme aaba i ne ame.

¹⁸ Ɔrõgo go anya ne, ɔmagẽ go lofo iyere fie ɔto ɔde kayiiso magara iso ɔde.”

18

Yohanes Ɔno Babilonia Ibie

¹ Nnegbe kama ne, lonya Yaa kpabo mama go loso ɔbore i kato ɔto ɔba. Ɔba ɔle gbaã fie ẽ ifie to iyo karõ.

² Ne ɔla kulu teteree ɔxe so,
“Ɔobie o-o! Babilonia go lofo iyere ɔobiebie
wɔsɔwɔsɔ!

Ɔokpese siwarã lalaa gu siwarã dze loisekele, kurodzai go loisekele gu ngo maide kawekõ.

³ Alaso ndebi ɔduɔu

one ñ asorñ ide ndã. Kayiiso magara oḡegu
wũ asorñ,
fie kayiiso kuḡamaḡese ana okpese
maranase iki i ngbã nyanyarĩa iseḡu
wũ ame.”

⁴ Ne lonḡ silḡ mama to siḡe ika sibḡreḡu i kato
so,

“Wũ maturi, mibḡre i omagẽ ḡomḡ ame, si iide
ngbḡ ne,
mi wũ miaba miabara akpi wa igbã obara.
Fie Ḣaa aasu inyewe okpadzẽ mi kutsue le
kumegḡ okpadzẽ wũ!

⁵ Alaso maḡfu ñ akpi ikpe akḡle ase aabo ta kato,
fie Ḣaa onyigi ara lalaa wa i ñ maturi obara.

⁶ Mibara wũ miti kuso!
Nwa obara mi ne, mibara wũ miti kuso ikpe
inyḡ.

Ikḡi ne ame okḡ otile ndã otã mi ne, mika ne ame
ikpe inyḡ mitã wũ one!

⁷ Mitã owe inyḡ,
si omaraḡã so le kumegḡ ikote i ñ ikereso gu
inyḡso kaḡukaḡu kanya.

Alaso orḡḡo ḡomḡ to oḡe i ñ otu ame so,
‘Marḡḡo igara loḡe i ngbe.
Loiḡe kpise ore fie loibamararã so lonya!’

⁸ Ne oso iyi iwẽ saã i inyewe aaba wũ iso,
kukpi, imaraḡãso gu kukã.

Fie otḡ aatsuedza wũ,
alaso Bosate Ḣaa ḡḡ nto oḡeḡu wũ atḡme ne,
Ḣlesate oḡe.

⁹ “Si kayiiso magara ma loḡeḡu wũ asorñ onya
kumegḡ otḡ otsue obḡre kuḡḡ ne, mato maape
sikpabo mabiḡeḡu wũ kaku.

10 ǃ inyewe to iakpě kayiiso magara mamǃ ifǃ,
ne ǃso mato maaya dzoroo mala maǃye so,
'Ndzo lo! Ndzo lo! Fǃ ǃmagě gǃ lofǃ iyere!

Babilonia gǃ mba ǃle!

ǃǃǃwũ ǃwě saã kere makpadzě-ǃ kutsue
kumegǃbe!'

11 "Kuxamadese siare ma mpia i kayiiso ana
ǃbie kaku mamararã so alasǃ kuwě siina gǃ loaǃa
ma ara.

12 Ara wa mato marǃdě nde sikǃretǃa,
sikǃfudza, ata wa lofǃ kuǃa, anyi, sikati fudza,
siǃǃǃǃǃǃǃ, ǃgo retǃa gu ǃkati kpinakpina, adziri
agbǃagbǃa wa nse ǃforě kǃrǃkǃrǃǃ, ara wa mabara
ala sisǃgbě, ara wa ǃǃǃǃǃ mabara ala ibǃra ne
mase mabara ala ayiwa, ibǃra mǃmǃ gu adziri
wa lofǃ kuǃa gbaã gu ata wa nto ale ǃnyǃ.

13 Ara mama ana nde adzirikolo kǃrǃkǃrǃǃa
wa mase marǃ so sinamǃn, kutu awara, kua
kǃrǃkǃrǃǃa, ǃlufui, korobo, ndã, nnǃĩ me mase
madǃ, ǃraũ gǃ lobe ǃǃǃǃǃǃǃ, kakpã, ayo ame
mabǃi gu manantsuĩ, apǃngǃ, makeke ma i
apǃngǃ se akpadzě, masande, gu ta maturi ma
maasu masǃre ala ma aǃǃ.

14 "Kuxamadese ǃye so, 'Ara seǃ wa i fǃ ǃkala
se ǃǃǃ ǃǃre-ǃ nrǃǃ. Fǃ karana ǃǃǃǃǃ gu fǃ kule
ana ǃǃyu gǃ aisibanya wã anya.'

15 Mma lokpese maranase iki i kuǃa gǃgbe
ide ame ǃe dzoroo alasǃ mato manigã inye ne
ǃto ǃwe. Mabiǃ kaku ku sikpabo, mamararã so,
maǃye so,

16 'Ndzo lo! Ndzo lo! ǃmagě siare,
fǃ gǃ manyǃmedza ǃkati fudza gu ǃretǃa gu
ǃgo kpinakpina,

fiε asu sikāretεa ara gu ata wa lofo kuḡa gu anyi akere so.

17 Karana gagbe ɔɔɔɔ ɔɔɔ i ɔɔɔwũ ɔwẽ saã ame!

“Sikolo siare makādze gu sē makpakpa, siri-masεdze, gu maturi tsɔra ɔɔɔɔ ma nse mase i sikolo ame maɔe kuḡa ɔya dzoroo,

18 mabiε kaku ku sikpabo gɔ manya kumego i ɔmagẽ to ɔtsue fiε kuḡɔ to kubɔre maḡe so, ‘Mme ɔmagẽ lokategu ɔmagẽ siare gɔgbe?’

19 Mabodza ɔsebu mafere so iti ame mabiε kaku mamararā so maḡe so,

‘Ndzo lo! Ndzo buε buε boatā-ɔ, fo ɔmagẽ siare.

Ngbego i mma mba sikolo siare se mana ma karana mabɔregu.

ɔɔɔwũ ɔwẽ saã ne, ɔɔkpese ikpakpi!

20 So si siḡɔ mi ma mpia i kato.

Mi Ḳaa maturi, katōmemasεdze gu Ḳaa kanyamadɔdze, so si siḡɔ mi so makpadzẽ ɔmagẽ gɔgbe kutsue ngbo!

Alaso Ḳaa ɔḡεgu wũ atōme ɔtā wũ ipo i ara wa ɔbara mi iti.’ ”

21 Ne lonya Ḳaa kpabo ɔwẽ gɔ mba ɔle ɔputa ita siare ɔfuɔdza ɔpia i ɔpo ame ɔḡe so,

“Ngbo i Ḳaa

aafuɔdza Babilonia ɔmagẽ siare ɔwuĩ i karō so maisibanya wũ manya ne.

22 Sisango gu aruei gu kudadā gu kuka makadze silɔ

iisibare i fo ame inya.

Mma nse mabara kusẽ

iisibawe i fo ame.

Ngbo ame ana maisibano kukote silɔ ana i fo ame ne.

23 Sikanie iisibasa i fo ame,
 fie orõgo kodze silo iisibare i fo ame sinya.
 Mma nse maɣa-ɔ ara
 nde kayiiso maturi ma mba ɔle
 fie asu fo sibo ipe asɔsɔla ndebi ɔduɖu.

24 Babilonia ɔmagẽ ame manya ɣaa
 kanyamaɖidze gu ñ maturi ima.
 Fie iide ma ɔkpe kere, ɣee manya mma
 ɔduɖu maɖoe i kayiiso ima i mmo.”

19

1 Nnɛgbe kama ne, lonɔ silo dze lore maturi
 gbodzoo sire i kato sito siɣe sɔ,
 “Aleluya!

Idi gu ifie gu ɔle nde Bo ɣaa ɔkpe.

2 Alaso ɔse ɔɣe atõme i ori iso
 fie ñ itõme de ɔnukuare.

Ɔtã asorõɖedze siare go lonina kayiiso
 ku ñ asorõ ide ipo.

ɣaa ɔkare so iti alaso asorõɖedze gɔgbe loɖoe
 ɣaa maturi ne.”

3 Maledza kulu ila iɣe sɔ,

“Aleluya!

Ɔmagẽ siare gomo kuɣo aala kuokete kato owi
 biara.”

4 Makpakpa sinyo ina gu ara ana wa mba ngbã
 ɔpe agegẽ matã ɣaa go nsi sigaraiyara iso maɣe
 sɔ,

“Si iba ngbo! Aleluya!”

Serererõ Ibi Orõgo Iko.

5 Ne silo siwẽ ore sibore i sigaraiyara kore sɔ,
 “Mile bo ɣaa,
 mi ma nde ñ maɖabo ɔduɖu,

maturi nyaa gu mma loinya,
gu mma ɔɖuɖu nse manigã wũ.”

⁶ Ne kama ne, silɔ siwẽ ɔbɔre dze lore maturi gbodzoo sire xee ndu gbodzoo me nto mikpase i ata iso, xee kado idu teteree so,

“Aleluya!

Alaso Bosate Yaa go nde ɔle ɔɖuɖu Sate to ɔɖe sigara.

⁷ Mitã bona isoɔɔ, so si siɔɔ bo,
si bokɔle ɔ iyere kato.

Alaso Serererɔ Ibi ɔrɔgo ikoyi ɔɔɔ
fie ɔ ore ɔledza so ɔse.

⁸ Yaa ɔsu awu fudza wa nto afie ɔtã ɔrɔgo so ɔpia.”

Awu fudza wagbe nxe atã Yaa maturi kurabarara see ne.

⁹ Ne Yaa kpabo ɔɔere me so, “Tsere se so, so aaxɔ mma makpere so maba Serererɔ Ibi ɔrɔgo iko ɔpɔrɔ katukɔ.” ɔledza ixe so, “Yaa kanya ame atɔme tutuutu i ngbe ne.”

¹⁰ Lope agegẽ so si loto iti i karɔ lotã wũ, xee ɔɔere me so, “Daabara ngbo! Maɖabo kere i bo gu-ɔ gu manyii ma nto maɖe aɖansie i Yesu iso de. Pe agegẽ tã Yaa ɔnowẽ!”

Alaso aɖansie wa mato maɖe i Yesu iso lopia Yaa kanyamaɖidze ɔle.

Yohanes ɔnya Ngo Nsi I Ipongɔ Fudza Iso

¹¹ Nnegbe kama ne, lonya kato ɔbusi fie lonya ipongɔ fudza iwẽ xe. Ngo nsi i ne iso iyere nde Ngo nse ɔbara ara i ɔri iso gu ɔnukuare. ɔse ɔkpẽ kakkpã, ɔxe atɔme i ɔri bolɔlɔa iso.

¹² Ǿ anomi se le otɔ sinyagemi fie otōme sigaraikoto gbodzoo. Matsere iyere iwẽ masia wũ iso ne i kuwẽ iixe idɔ Ǿ onowẽ saã.

¹³ Ǿpia awu wa mawarã mapia i ima ame fie Ǿ iyere nde Ǿaa Itōme.

¹⁴ Kato makpakpẽdze pia okati dɔborɔa fudza sekelea fie masi i apongo fudza iso masiai wũ i kama.

¹⁵ Kakpã ipemi ne mba obe pia wũ i kanya ne Ǿasu owɔra ndebi. Ǿaɗe ma iso ku ibɔra ɔtsiamidziri fie Ǿabiobio ara ku Ǿaa Ǿle Ǿduɗu Sate sikpã le kumegɔ mase mabio adziribi i itawo ame.

¹⁶ Iyere ne matsere masia i Ǿ awu tagbaraa iso gu Ǿ ikpabo iso nde so,

MAGARA AME IGARA GU MAKɔSE AME
OKɔSE.

¹⁷ Ne kama ne, lonya Ǿaa kpabo owẽ go ɔɣe i kuɣẽ iso. Ǿla kulu teteree okpere kurodzai go ɔduɗu nse kufereɣe i owiri ame ɔɣere kɔ so, "Miba o-o! Miba miasakanya si miɗe Ǿaa kutsue aɗera siare.

¹⁸ Miba miɗe magara, makpakpẽdzekpakpa, makpakpẽdze, apongo, gu mma nse mase i apongo iso mina. Ǿbiara igbã sina pia, mma loiɗe masande, masande, maturi nyaa, gu ta mawereba sire."

¹⁹ Ne lonya so boi lalaa gu kayiiso magara gu ma makpakpẽdze ɔɔ ngo nsi i ipongo iso gu Ǿ makpakpẽdze kakpã ne.

²⁰ Mamɔẽ boi lalaa gu mila kanyadidze go lobara awawãra i boi ɔle ame. Awawãra wamɔ ɔsu ɔsɔsɔla mma iso i boi ikparĩ sia gu mma losɔre Ǿ kumiamia itĩ ne. Masu boi lalaa gu mila

kanyaɗidze mafuĩdza mapia i itokpe ne nto itsue ame manyo.

²¹ Matsora ne, ngo nsi i ipongo iso oɗoe ma ala ipemi ne lobore i ɔ kanya ame fie kurodzai oɓa kuade ma sina kumego kuawo ne.

20

Mapia Tsirise Kunyiborei Mase Ako Ipemu Iwẽ.

¹ Ne lonya Yaa kpabo owe ɔso obore i kato oto oɓa oto iwo gudua wodoroa siboi gu kunyiborei siare i korɔ.

² Omɔẽ aɣe wa nde aɣe kuere wa mpia ta kokowi fie mase makpere wa so Obosam gu Satana. Yaa kpabo onyi wu ose ako kakpi.

³ Ofuĩdza aɣe opia i iwo gudua wodoroa ame, oẽ ne kanya kpa, fie ka ɔsu itsuebi oẽ iwo kanya so si ɔisibana ori oko ndebi oyura gbogboogbo ako kakpi kama. Ne kama ne, maadi wu owi kekei kere.

⁴ Ne kama ne, lonya maturi mawẽ si i sigarayara iso fie mata ma ole so maye atome. Ma nde mma maɗoe alaso maɗe adansi e i Yesu gu Yaa itome iso sikala ne. Mmagbe iibo ma ati karɔ mata boi lalaa, yee ɔ kumiamia iti, fie maifo ɔ ikpari i itongbo yee korɔ iso. Mata mase ngba fie maɗegu Yesu sigara ako kakpi.

⁵ Makpise ita deakatɔ i ngbe ne. Makpise tsora iita gbogboogbo ako kakpi ofe.

⁶ So aayo makpise deakatɔ ma loata fie maase sekelee. Kukpi nyore iisibawe ole i ma iso. Maɗe Yaa gu Kristo masoredze fie maɗegu wu sigara ako kakpi.

Maḍe Ɔbosam Iso.

⁷ Si ako kakpi ɔfe ne, mato maadji Ɔbosam i iwo gudua wodoroa ame.

⁸ Ɔabore ɔse ɔasɔsɔla kayiiso akpakpai aka ana maturi ɔɖuɖu ma nde Gog gu Magog. Ɔto ɔasa ma kanya ɔtã kakpã fie mato maasi le ɔpo ame iwarĩ.

⁹ Mase maki i kayiiso ɔɖuɖu fie maba maaki malɔ Ɔaa maturi gu ɔmagẽ go i Ɔaa se ɔɖɔe. Ɔee ɔto ɔbore i kato ɔba ɔatsuedza ma pelepele.

¹⁰ Masu Ɔbosam go losɔsɔla ma mafuĩdza mapia i itokpe siare ne atogereĩ lowara ame. Ngbe masu boi lalaa gu mila kanyadidze mafuĩdza mapia mafegu ne. Maate ma ɔxiã i ngbe kasẽ i kakome ɔwi daaro.

Ɔaa Ɔɣegu Kayiiso Ɔɖuɖu Atõme.

¹¹ Ne lonya Sigarayara fudza siare iwẽ ne iso i ɔwẽ si ne. Kato gu karõ ɔyu i ɔ katõ fie maisina kawekõ.

¹² Lonya makpise, maturi nyaa gu mma loinya go maɣe i sigaraiyara katõ. Mabusi siko, fie maledza oko mama ibusi, ɔ nde ngbã oko ne. Masu ara wa matsere mapia i siko ame maɣegu makpise atõme i ma kurabarara kanya.

¹³ Ɔpo ɔɖi makpise ma mpia i ɔ ame ɔtã fie kukpi gu ikpibio ana ɔɖi makpise ma mpia i ma ame matã fie Ɔaa ɣegu ɔbiara atõme i ara wa ɔbara kanya.

¹⁴ Ne kama ne, masu kukpi gu ikpibio mafuĩdza mapia i itokpe siare ame. Itokpe siare negbe nde kukpi nyɔare ne.

15 Ōbiara gō iyere mainya matsere i ngbã oko ame ne, masu wũ mafuĩdza mapia i itokpe siare ame.

21

Yerusalem Ƴete Ōbore

1 Nnegbe kama ne, lonya kato Ƴete gu karõ Ƴete alaso kato deakatõ gu karõ deakatõ oofe, fie oƲo ana siina.

2 Ne lonya Yerusalem omagẽ Ƴete sekelea oso obore i Ƴaa kore oto oba. Makere wũ le orõgo gō makere matã kurã iyiri.

3 Ne lono silo siare siwẽ obore i sigaraiyara kore siƳe so, “Minyo! Ƴaa kasekõ ka kapia i maturi ndẽ. Ōawe i ma ndẽ fie maade õ kaƲe. Ƴaa mōmō aawe i ma kore fie ãade ma Ƴaa.

4 Oto ãanukutu ma nnōme biara i katõ, fie kukpi iisibawe. Ngbo ame i imararãso, kaku gu ibo iisibawe alaso ara wa lowe ku okpe deakatõ oofe.”

5 Ne ngo nsi i sigaraiyara iso oƳe so, “Minyo! Lookpesera ira biara iƳete.” Ne oledza iƳe ana so, “Tserere se ne atõme biele wa maafõ maƲe aƲe.”

6 Ne oƳere me so, “Ira biara ookote kini. Mme nde Ōdeakatõ gu Ōtsora, karõkasekõ gu kawirikõ. Ngo i ome to okore ne, loatã wũ ndu me nse mitã ngbã fie migodẽ i itubu ne loise isõ ame gō õibatã kuso.

7 Ngo loƲe iso ne, kuso gō loatã wũ ngbe ne. Ana ne, loade õ Ƴaa fie õ wũ ãade me obi.

8 Ƴee mafõdze, mma loifo maƲe, anyanyara mabaradze, maturidoese, asorõmadedze, sibo mapedze, maƳosoredze, gu maladze oduƲu ne,

maafɔ ma kuso i itokpe siare ne atɔgerẽ lowara ame. Nnegbe nde kukpi nyɔare ne.”

⁹ Nnemɔ kama ne, Ƴaa makpabo ikɔdze ma nto arɔi akɔdze wa loyi ku inyewe aka akɔdze tsɔra ɔwẽ ɔba wũ kɔre ɔgere me sɔ, “Ba si lote-ɔ Serererɔ Ibi ɔrɔgo go ɔto ɔba ɔako.”

¹⁰ Ƴaa siwarã ɔbo i wũ ame fie Ƴaa kpabo ɔko me ɔkelegu kube kɔlea kuwẽ iso. Ɔte me Yerusalem ɔmagẽ sekelea go loso ɔbɔre i Ƴaa kɔre i kato ɔto ɔba.

¹¹ Ɔto ɔsa ku Ƴaa ifie fie ɔ ifie se le ata wa lofo kuɣa. Ɔse le yaspa ita awe fie ɔ ame ɔkpa le aɣɔɣɔe awe.

¹² Ibere ne loki ilo wũ ɔkɔle fie ibe ana. Kuyogodɔ kuweo-kunyɔ pia i ibere negbe ame. Ƴaa makpabo iweo-inyɔ ɣe i kuyogodɔ fie matsere Israel kale kawẽ iyere masia i kayogodɔ biara iso.

¹³ Kuyogodɔ kute pia i kuɣẽkabɔrekɔ, kute pia i kato ise, kute pia i kala ise fie kute pia i kuɣẽ iyo kabokɔ ise.

¹⁴ Ata aweo-anyɔ masu mapia ala ɔmagẽ abere i karɔ ame fie matsere Serererɔ Ibi katɔmemasɛdze iweo-inyɔ ayere masia i wã iso.

¹⁵ Ƴaa kpabo go loɔegu me ika ɔmɔẽ sikãretɛa ɔdziri go maasu masusu ala ɔmagẽ, ɔ kuyogodɔ gu ɔ kubereku ɔto i kɔrɔ.

¹⁶ Ɔmagẽ ba abese aka ana, fie ɔ kukarãme gu ɔ kubeme ɔɔɔɔ ɔkote. Ƴaa kpabo gɔgbe ɔsu ɔ sikãretɛa ɔdziri ɔsusu ala ɔmagẽ, ne ɔnya sɔ kase kawẽ ɔkarã maili kakpi gu alafa aru. Ɔmagẽ kukarãme, kubeme gu ku kɔleme ɔkate.

¹⁷ Ƴaa kpabo ɔsusu ibere ana fie ɔnya sɔ ibe mita sikuɔ i ɔdziri go ɔto ɔsusu ala ara kanya.

18 Yaspa ata masu matsue ala abere fie sikāretēa dze nle siḡo sito sifiē le aḡoḡoē masu matsue ala omagē.

19 Masu ata wa lofo kuḡa agbāagbā mapia ala omagē abere i karō ame.

Ita deakatō maro so yaspa,
inyoare nde safir.

Iteare nde halkedon,
fie inaare nde smaragdo.

20 Iruvare nde sardonik,
ikuovare nde sardis.

Ikodzēvare nde krisolit,
fie farafanavare nde beril.

Kaiwēvare nde topas.

Iweovare nde krisopras.

Iweowēvare nde yiakint,
fie iweonyoare nde ametist.

21 Omagē kuyogodō kuweo-kunyo oduḡu ne,
anyi aweo-anyo wa lofo kuḡa mabaragu ala.
Kayogodō biara ne, inyi siare iwē mabaragu ala.
Omagē ori siare ne, sikāretēa sēē mabaragu ala
fie si ase ne, ato anya so i ō ame.

22 Loinya Isoreyo kuiwē i omagē ame alaso ḡaa
ḡle ḡduḡu Sate gu Serererō Ibi nde Isoreyo.

23 Kuḡē ḡee oḡbaworeti iinya i omagē ame,
alaso ḡaa ikpawaī se ifie ifere wū iso fie Serererō
Ibi nde ō okanie.

24 Omagē ikpawaī ame i kayiiso ndebi aase fie
kayiiso magara aasu ma karana mabo ō ame.

25 Maibasē omagē kuyogodō ku anowā fie kaḡe
iibaro i ō ame kanya.

²⁶ Ndebi to maasu ma agagã gu karana mabo ã ame.

²⁷ Υεε ira ne loisekele kuiwẽ iibabo i omagẽ ame. Maladze gu mma nse mabara anuarera iibawe i ã ame. Mma ayere matsere mapia i Serererõ Ibi ngbã oko ame pe loawe i ã ame.

22

Yaa Owore Go Nse Itã Ngbã

¹ Ne kama ne, Yaa kpabo gomo ote me owore go ame ndu nse mitã ngbã. Ndu ore kpenenene le axoxoe wa ame losekele gbaã. Owore gogbe ogodẽ obore i Yaa gu Serererõ Ibi sigaraiyara ame.

² Obore oki i omagẽ ori siare ndẽ. Kudziri go nse kutã ngbã xe i owore sikpokpo inyoo iso fie kuse kuxõ i kuwa biara iso i ikõ ame. Kõ axata de kua go nse kusa sinye itã ndebi.

³ Maisibanya imusuora kuiwẽ i omagẽ gomo ame. Yaa gu Serererõ Ibi sigaraiyara aawe i mmo fie ã madabo aasore wũ.

⁴ Mato maanya wũ katõ fie ã iyere to iasia ma i atongbo.

⁵ Kade iisibaro i mmo, fie okanie xee kuxẽ ana iisibanya ma alaso Bosate Yaa loadẽ ma ikpawai fie maade sigara kayi daaro daaro.

Yesu To Jakpese Oba.

⁶ Ne Yaa kpabo oxere me so, “Onukuare atõme wa maawo ofo ode ade i ngbe. Bosate Yaa go losu õ Siwarã opia i ã kanyamadidze ame lopia ã kpabo so odi ara wa loaba i owi kurukutu ame ote ã odabo.”

7 “Minyo! Nto loba i owi kurukutu ame. So aaxo mma lomoe atome wa matsere i oko gogbe ame mato.”

8 Mme Yohanes nde ngo lono ara wagbe fie lonya wa ana. Go lono ara wagbe fie lonya wa ne, lope agege i Yaa kpabo go loji wa ote me ngbatō si losore wu.

9 Yee oyere me so, “Daabara ngbo! Fo gu fo manyii ma nde kanyamadidze gu mma odudu nse maka oko gogbe ame otome atsue odabo laa loje. Sore Yaa!”

10 Ne Yaa kpabo oyere me so, “Daakola atome wa matsere mapia i oko gogbe ame alaso ato aaba i ne ame i owi kurukutu ame.

11 Ngo nse obara ara nyanyaria si okelagu i katō si obara, ngo nse obara anyanyara si okelagu i katō, ngo nse obara isee si okelagu i katō obara, fie ngo nse sekelee ana si okelagu i katō ose sekelee.”

12 Yesu so, “Minyo! Nto loba kiniokinio! Losegu wu kuso loto lobo, fie loata obiara kuso i o kurabarara kanya.

13 Mme nde Odeakatō gu Otsora, Karokaseko gu Kawirikō.

14 “So aaxo mma lofore ma awu tagbaraa, so Yaa aata ma ori made kudziri go nse kutā ngba abi, fie maaki i kayogodō ame mabo i omage ame.

15 Yee mma nse mabara ara le makpekre gu mma nse mape sibo gu masorodedze gu maturidose gu mayosoredze, gu mma odudu nse madpe mila fie mase mala mila ne, maibabo i omage ame, maawe i omage ibere kama.

¹⁶ “Mme Yesu, mme lopia wũ kpabo sɔ ɔɔɛ ara wagbe aɔansie ɔtã mi si mafɔɔɔɔɔɔ akuri aano. Mme nde David ɔɔɔ gu ñ ɔwa tete, fie mme nde ɔɔɔɔɔɔ iwãmi ne nse ifie ne.”

¹⁷ Yaa Siwarã gu ɔɔɔgo go mato makɔ ɔɔɔ sɔ, “Ba!”

Ngɔ nto ɔno ana si ɔɔɔ sɔ, “Ba!”

Ngɔ i ɔme to ɔkore si ɔba ñafɔ ndu me loatã ngbã ɔne kuso idaatã.

Kawirikõ Atõme

¹⁸ Nto loka mma ɔɔɔɔɔ lonɔ atõme wa mapɛ imomo i ɔko gɔgbe ame sɔ, si ɔrere ɔsu irere ɔbuia i wã iso ne, Yaa to ñasu inyewe ne matsere mapia i ɔko gɔgbe ame ɔbuia i ñ inyewe iso.

¹⁹ Ngbɔ ame si ɔrere ɔɔɔ irere ɔɔɔɔɔ i atõme wa mapɛ imomo i ɔko gɔgbe ame ne, Yaa iibatã ñ korõ ɔɔɔɔ ara sɛɛ wa matsere, ñibana kadekõ i kudziri go nse kutã ngbã gu ɔmagẽ sekelea go i kato ame.

²⁰ Yesu go loɔɔ ara wagbe aɔansie ɔɔɔ sɔ, “Aĩ, nto loba kiniɔkiniɔ!”

Ne lotɔrã sɔ, “Si iba ngbɔ, Bosate Yesu, ba!”

²¹ Bosate Yesu Kristo si ɔbuale mi ɔbiara.

Siwu
Siwu: Ndamu Yεε Siwu New Testament

copyright © 2008 Wycliffe Bible Translators, Inc.

Language: Siwu

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

b5020a1a-c7b9-512a-9b46-1e462be571d4